

# INUIT ATAQATIGIIT INATSISARTUNI



13. februar 2022

UPA2022/ 134

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

## **Tasiilami adventure efterskolemik pilersitsinissamik Naalakkersuisut peqquneqarnissaannik siunnersuut.**

(Inatsisartunut Ilaasortaq Harald Bianco, Inuit Ataqatigiit)

### **Tungavilersuut:**

Tunup ineriartornerani suliffissanik suugaluartuniluunnit innuttaasut annertuumik pisariaqartitsipput. Inuusuttut angerlarsimaffik qimannagu ilinniaqqiffissaannik ukiorpassuanguulersuni pilersitsiniarneq sulisutiginiarneqartartoq maanna qinigaaffimmi uani piviusunngortinnissaa pingaaruteqarluinnarpoq.

Adventure Efterskolimik taasininnut toqammavimma ilagaat, pingortitarsuarmut aasaappat ukiuuppalluunnit Tasiilap eqqaa periarfissarpassuaqarmat immakkut nunakkullu. Taamatutaaq eqqaasariaqarpoq, Tunumi piorsarsimassutsikkut ileqqunik periutsinillu suli attatatsinnik pisuujugatta, tamassuma inuiattut kinaassutsitsigut siammassinnerusumik tammatsaaliuisinnaaneq aamma aqutissiuussinnaammagu.

Oqallilluarnissassinnik Inuit Ataqatigiinniit kissaappassi.

### **Pisortanut aningaasatigut allaffissornikkullu kingunissai:**

Pisortanut aningaasatigut allaffissornissakkullu kingunissai pillugit §37 2021/106 Naalakkersuisunut apequteqarnikuuvunga, imatullu akineqarlunga:

“Efterskolimik Tasiilami pilersitsineq ilinniartunut 70-inut inissaqartitsiviusumik missiliuunneqarsimavoq nunatta karsianut minnerpaamik 158 mio. kr.-inik aningaasartuuteqarfiusussatut, pilersitsinermut aningaasartuutaannaat eqqarsaatigalugit. Ingerlatsinermut aningaasartuutit naatsorsuutigineqarput 12 mill. missaaniissaasut. Maniitsumi Efterskole 2020-imi 12.5 mill. kiisalu Villads Villadsen-ip efterskoleani 11.8 mill. ingerlatsinermut atorineqartussatut immikkoortinneqarnikuupput. Tamatumalu saniatigut naatsorsuutigisariaqassaaq sulisut inissiassaannik arfineq pingasuniit qulit angullugit efterskolimi sulisuusannut pisariaqartitsisoqarnissaa.”

Illu ataaseq 1.5 mill. akeqassasoq naatsorsuutigineqarsinnaavoq; taamaattumik inissiat qulit sananeqassappat 15 mill. naleqassapput.

Tamatuma saniatigut naatsorsuutigineqassaaq ilinniartut angalanissaannut aningaasartuuteqarnerunissaq 1,2 mio. kr.-it missaannut missiliuunneqartunik aningaasanut inatsimmi kontumut 40.10.12-imut ilassutaasariaqartunik.

# INUIT ATAQATIGIIT INATSIARTUNI



Namminersorluni inuussutissarsiortunut suliassaqarniarnikkut aningaasarsiornikkullu annertuumik iluaqutaasussaavoq. Aningaasanik kaaviiartitsinissaq aallartissaaq.

Suliassatigut aningaasarsiornikkullu innuttaasunut annertuumik iluaqutaassaaq, ilaqtariinnut iluaqutaasussaavoq. Aningaasanik kaaviiartitsineq aallartissaaq.

**Namminersorluni inuussutissarsiuteqartunut aningaasatigut allaffissornikkullu kingunissai:**  
Soqanngilaq

**Innuttaasunut aningaasatigut allaffissornikkullu kingunissai:**  
Soqanngilaq